



**SINDIKAT MAŠINOVOĐA-STROJOVOĐA U F BiH**

Put života 2. 71000 Sarajevo, BiH / Tel: +387(0)33 - 218-298 / ŽAT +387(0)33 - 657-313/2383

Broj :22-VII/11  
Sarajevo 27.07.2011

## **SAOPŠTENJE ZA JAVNOST**

Ovim putem želimo obavjestiti javnost i nadležne inspekcijske organe Federacije BiH , o tome da je ozbiljno ugrožena bezbjednost želj.saobraćaja, životi i zdravlje voznog i vozopratnog osoblja, kao i naših putnika.

Razlog tome je naravno starost lokomotiva i vagona, a poseban akcenat je na veoma lošem ili bolje rečeno nikakvom održavanju istih.

Prije neki dan došlo je do požara u putničkom vozu 411-105, na relaciji Sarajevo-Zenica, i samo zahvaljujući hrabrosti i spretnosti dvojice mašinovođa, požar je održan pod kontrolom do dolaska Vatrogasne ekipe, koja je gašenje privela kraju.

Isto tako prije nepuna dva mjeseca došlo je do požara na kokomotivi 441-102 , takođe na putničkom vozu. I tada su mašinovođe rizikujući svoje zdravlje i živote spasili lokomotivu od sigurnog uništenja.

Oba puta su mašinovođe zbog udisanja veoma gustog i otrovnog dima završili u Hitnoj pomoći , i nakon primanja kisika pušteni kući na liječenje.

Za sve ovakve i slične događaje glavni krivac je Uprava ŽFBiH na čelu sa gos. Nedžadom Osmanagićem, koji ulaže u sve drugo samo ne u održavanje i obnovu voznih sredstava.

Od kreditnih sredstava (80 mil.KM) koja je dobila ova Uprava skoro ništa nije uloženo u održavanje lokomotiva i infrastrukture.

Primjer tome je i improvizovani most od drvene građe (Hugin most) na pruzi Sarajevo-Mostar između stanice Bradina i ukrsnice Grad , koji već dvije godine predstavlja ozbiljnu opasnost za želj.saobraćaj i nema sredstava za rekonstrukciju , a novac se troši na uređenje poslovnih zgrada ,kancelerija , restorana u sastavu „Olimpik tursa“, obnovu kancelariskog namještaja , postavljanje klima uređaja itd.

Zbog svega navedenog ,apelujemo na inspekcijske organe ove države da obave nadzor nad stanjem voznih sredstava i pruge , a vlastima sugerišemo da što prije izvrše smjenu nesposobnih ljudi u J.P.ŽFBiH , kako Uprave tako i nadzornog odbora koji vješto pokriva sve ono što radi gos.Osmanagić i njegovi saradnici.

Dostavljeno:

- printanim i elektronskim medijima,
- inspekciji rada –insp.za saobraćaj,
- min.prometa i kom.FBiH
- arhiva SMS-a



**Predsjednik SMS-u FBiH**

**Vernes Buljugija**